



## **INFORME XUSTIFICATIVO DA NECESIDADE DA CONTRATACIÓN**

**EXPEDIENTE: PRESTACIÓN DO SERVIZO DE XESTIÓN E DESENVOLVEMENTO DAS ESCOLAS MUNICIPALIS DE VERÁN 2019. PROGRAMA MUNICIPAL DE CONCILIACIÓN DO DEPARTAMENTO DE EDUCACIÓN E CIDADANÍA DO CONCELLO DE SANTIAGO DE COMPOSTELA.**

A Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 establece:

*"Artigo 28. Necesidade e idoneidade do contrato e eficiencia na contratación.*

*1. As entidades do sector público non poderán subscribir outros contratos que aqueles que sexan necesarios para cumplir e realizar os seus fins institucionais. Para ese efecto, a natureza e extensión das necesidades que pretendan cubrirse mediante o contrato proxectado, así como a idoneidade do seu obxecto e contido para satisfacelas, cando se adxudique por un procedemento aberto, restrinxido ou negociado sen publicidade, deben ser determinadas con precisión, deixando constancia diso na documentación preparatoria, antes de iniciar o procedemento encamiñado á súa adxudicación."*

O concello de Santiago ten previsto a realización dun programa que leva por título "**Escolas municipais de verán 2019: programa municipal de conciliación do Departamento de Educación e Cidadanía do concello de Santiago de Compostela**", que comprende un conxunto de actividades de contido educativo, que se desenvolverán en instalacións dos CEIP Monte dos Postes e Raíña Fabiola, destinadas á poboación escolarizada en educación Infantil e Primaria do municipio de Santiago.

Este programa concíbese como un espazo educativo, de promoción do ocio e do tempo de lecer, ademais dun apoio e un recurso de conciliación familiar no tempo de vacacións.

O contrato comprenderá a realización dun programa de conciliación laboral e familiar no período de vacacións de verán 2019 (24, 25, 26, 27 e 28 de xuño de 2019, mes de xuño (agás sábados, domingos e festivos) e setembro (días 2, 3, 4, 5 e 6). Este programa comprende un conxunto de actividades, a desenvolver en instalacións do CEIP Monte dos Postes e do CEIP Raíña Fabiola, destinadas á poboación escolarizada en educación Infantil e Primaria do municipio de Santiago.

### **DATOS PARA A TRAMITACIÓN DO EXPEDIENTE DE CONTRATACIÓN**

#### **1. UNIDADE RESPONSABLE DO SEGUIMENTO E SUPERVISIÓN DA CONTRATACIÓN**

Centro xestor propoñente: Departamento de Educación e Cidadanía.

Persoa responsable do seguimento: Cristina Salgado Pato. Técnica do Departamento de Educación e Cidadanía.



## **2. OBXECTO DO CONTRATO**

Contrato de servizos.

Iníciase a tramitación do expediente arriba indicado de acordo coa orde verbal e as instrucións do concelleiro delegado de Educación e Cidadanía, co obxecto de aprobar o PROGRAMA MUNICIPAL DE CONCILIACIÓN ESCOLAS MUNICIPAIS DE VERÁN 2019.

O obxecto do contrato é o idóneo poste que comprende a totalidade das prestacións precisas para dar cumprimento á finalidade requirida que é a realización do PROGRAMA MUNICIPAL DE CONCILIACIÓN ESCOLAS MUNICIPAIS DE VERÁN 2019.

O persoal co que conta o Departamento de Educación e Cidadanía non é suficiente para desenvolver as accións obxecto do contrato. Non é viable nin conveniente a ampliación dos recursos materiais ou persoais en tanto se trata de tarefas que responden a unha necesidade puntual, non permanente no tempo, o que podería xustificar unha xestión directa das accións a executar.

## **3.-PROCEDIMENTO DE LICITACIÓN**

Aberto

## **4.- DIVISIÓN POR LOTES**

SI:

NON: X (xustificar a non procedencia da división)

Procede a non división en lotes do obxecto do contrato xa que a realización independente das diversas prestacións comprendidas no mesmo dificulta a súa correcta execución desde o punto de vista técnico- pedagógico e de coordinación, dado que os destinatarios das "Escolas municipais de verán 2019. Programa municipal de conciliación" é un público especialmente sensible e polo tanto débese prestar un coidado, atención e coordinación en grao óptimo para o correcto desenvolvemento do programa. Non é moi aconsellable que o monitoraxe das actividades sexa diferente ao do comedor, máis podéndose dar o caso de que haxa algúun neno/a con necesidades educativas especiais.

## **5. NECESIDADES QUE SE PRETENDEN CUBRIR**

Necesidades administrativas a satisfacer mediante o contrato:

- Dar resposta á necesidade que teñen os nenos/as de ocupar o seu tempo de ocio e tempo libre no verán de forma dinámica e divertida, dende unha perspectiva educativa e integradora.



- Poder ofrecer aos menores en situación de risco, unha oferta que permita o seu desenvolvemento persoal, acceder a propostas educativas e de ocio en igualdade de condicións con outros nenos/as da cidade.
- Favorecer a conciliación da vida familiar, laboral e persoal.
- Ofrecer servizos de almorzo e xantar durante as vacacións escolares aos nenos e nenas, con especial atención a aqueles con escasos recursos.

Dado o carácter e a natureza das necesidades expostas, faise constar a falta de medios persoais e materiais cos que conta o Departamento de Educación e Cidadanía para satisfacer o obxecto do contrato sendo necesario, polo tanto, acudir á contratación externa.

Atendendo aos artigos 25.e), 25.l) e 25.m) da lei 7/1985, de 2 de abril, reguladora das bases de réxime local, na súa nova redacción dada pola lei 27/2013, de 27 de decembro, de racionalización e sostibilidade da Administración Local (LRASAL) conclúese que a prestación que se contrata resulta ser competencia municipal ao tratarse de atención a persoas en situación de risco de exclusión social, a promoción do deporte e de ocupación do tempo libre e a promoción da cultura.

O contrato comprenderá a realización dun programa de conciliación laboral e familiar no período de vacacións de verán 2019 (24, 25, 26, 27 e 28 de xuño de 2019, mes de xullo (agás sábados, domingos e festivos) e setembro (días 2, 3, 4, 5 e 6). Este programa comprende un conxunto de actividades, a desenvolver en instalacións do CEIP Monte dos Postes e do CEIP Raíña Fabiola, destinadas á poboación escolarizada en educación Infantil e Primaria do municipio de Santiago.

O obxecto do contrato é o idóneo, posto que comprende a totalidade das prestacións precisas para dar cumprimento á finalidade requirida, que é a realización dun Programa Municipal de Conciliación para o Verán 2019.

O Programa Municipal de Conciliación Escolas Municipais de Verán 2019 concíbese como un espazo educativo, deportivo e de promoción do ocio e do tempo de lecer, ademais dun recurso para a conciliación familiar e laboral no tempo de vacacións.

**Destinatarios:** nenos e nenas que cursen estudos en centros de educación infantil e primaria, entre o 2º Ciclo de Educación Infantil e o 3º Ciclo de Educación Primaria de Santiago. (ambos os dous inclusive).

**Horarios e servizos que se ofrecerán aos usuarios :**

Horario: de 7,45 h. ata as 16,00 h.

**Servizos:**

- De 7,45 a 9,00 h.: Servizo de Madrugadores (aula matinal), con almorzo.



- De 9,00 ás 14,00 h.: Obradoiros e Actividades.
- De 14,00 ás 16,00 h.: Servizo de Comedor.

Datas de realización do programa:

Os usuarios poderán escoller as distintas modalidades establecidas en quendas ou por días soltos.

O programa desenvolverase durante o período de vacacións escolares de verán:

Mes de xuño: días 24, 25, 26, 27 e 28.

Mes de xullo: (agás sábados, domingos e festivos).

Setembro: días 2, 3, 4, 5 e 6.

As quendas son as seguintes:

1ª Días 24, 25, 26, 27 e 28 de xuño de 2019.

2ª Do 1 ao 5 de xullo de 2019.

3ª Do 8 ao 12 de xullo de 2019.

4ª Do 15 ao 19 de xullo de 2019.

5ª Días 22, 23, 24, 26, 29, 30 e 31 de xullo de 2019.

6º Días 2, 3, 4, 5 e 6 de setembro de 2019.

O programa inclúe a realización de actividades e obradoiros, ademais de poñer a disposición dos nenos e nenas participantes un servizo de madrugadores con almorzo (de 7,45 a 9,00 horas) e de comedor (de 14,00 a 16,00 horas).

Prazas ofertadas:

Prazas xuño

	Prazas	Días
Obradoiros e actividades	100	5
Comedor	50	5
Madrugadores	25	5

**Prazas xullo**

	Prazas	Días
Obradoiros e actividades	140	22
Comedor	70	22
Madrugadores	30	22

**Prazas setembro**

	Prazas	Días
Obradoiros e actividades	100	5
Comedor	40	5
Madrugadores	20	5

Os cálculos económicos da licitación realizanse en base a un número estimado de usuarios, polo que pode resultar que non todos participen e que non todos escolan as modalidades que se indican, polo que máis nenos e nenas podan participar neste programa; o dato que determina pois o número de usuarios finais será o custe total que resulte das quendas e servizos escollidos finalmente polos usuarios, que estará marcado polo prezo máximo aprobado pola Xunta de Goberno Local do concello de Santiago. As ampliacións de servizos e quendas por parte dos usuarios, antes e durante o desenvolvemento do programa, estará condicionado tamén polo orzamento total de adxudicación aprobado na Xunta de Goberno Local e en todo caso deberá ter o visto bo previo do Departamento de Educación e Cidadanía.

Poderán asignarse máis prazas das establecidas a un centro cando non se cubran as asignadas no outro. No caso de existir máis demanda que prazas ofertadas realizarase un sorteo público.

En caso de non cubrirse un mínimo de participantes en cada escola, establecido en 20 matriculados diarios por quenda para obradoiros de 9 a 14 horas, a empresa adxudicataria poderá desistir de desenvolve-lo nese centro, sen penalización e sen dereito



algún. O concelleiro de Educación e Cidadanía nesta situación determinará a realización ou non do programa.

Os usuarios que se apunten a unha escola de verán que non conte cun mínimo de 20 matriculados, poderán solicitar o cambio á outra escola que si cubra o mínimo de prazas ofertado.

Tendo en conta que se trata dun servizo que favorece a conciliación laboral, familiar e persoal, ofrécese o servizo de almorzo e o xantar para aquelas familias que o precisen. O servizo prestase cando haxa un mínimo diario de 10 solicitantes no servizo de almorzo e 10 no de xantar por quenda.

#### Obxectivos:

##### - Obxectivo xeral

Facilitar a conciliación da vida familiar e laboral ofrecendo aos nenos e nenas unha alternativa de lecer e tempo libre desenvolvendo valores de cooperación, respecto e tolerancia.

##### - Obxectivos específicos:

- Promover actividades que favorezan a diversión creando un ambiente lúdico.
- Desenvolver a autonomía persoal no día a día.
- Dar a coñecer diferentes actividades lúdicas de lecer e tempo libre.
- Promover actividades que favorezan o traballo en equipo e a creatividade.
- Fomentar o compañerismo e a tolerancia a través de actividades de traballo en equipo.
- Potenciar actitudes de valoración e respecto cara o entorno físico e natural.
- Dar a coñecer que é o medio ambiente, a natureza e a importancia que ten que todos debemos cuidar dos mesmos.
- Coñecer o entorno que nos rodea.

#### Tipo de actividades

Dentro do programa, intercalaranse actividades LUDICAS, DEPORTIVAS, XOGOS E OBRADOIROS.

#### Modalidades e horarios para os usuarios:

SERVIZO	HORARIOS
Modalidade completa (madrugadres con almorzo, comedor e actividades)	De 7,45 ás 16,00 h
Modalidade madrugadores con almorzo e actividades	De 7,45 ás 14,00 h.



Modalidade comedor e actividades	De 9,00 ás 16,00 h.
Modalidade só actividades	De 9,00 ás 14,00 h.

Os solicitantes poderán escoller diferentes quendas ou días soltos (establecéndose prezos públicos diferenciados). Haberá un desconto do 20% para quien acredite ser familia monoparental, numerosa, nenos/as con discapacidade e cando participen dous irmáns no programa. O desconto aplicarase a todos os solicitantes que cumpran ese requisito; é dicir, se participan dous ou máis irmáns nesta oferta o desconto farase a todos os irmáns.

Así mesmo, contémpiese un desconto do 50% ou do 100% para aquelas familias con escasos recursos; estes casos deberán contar obrigatoriamente con Informe previo do Departamento municipal de Servizos Sociais que ditaminará a porcentaxe de desconto (o 50 ou o 100%). O desconto correspondente aplicaráselle a cada solicitante, mesmo se son da mesma unidade familiar.

Os descontos non son acumulables.

Para o cobro das cantidades correspondentes, o concello de Santiago habilita a conta bancaria municipal en ABANCA ES89 2080 0388 2031 1000 2662, para que os solicitantes admitidos poidan realizar o ingreso correspondente das modalidades escollidas. Deberán indicar no momento de realizar o ingreso: Nome e apelidos do neno/a solicitante e da persoa que realiza o pagamento e da modalidade escollida.

Secuencia horaria do programa:

7:45 - 9:00 h.	Madrugadores con almoxo. Actividades lúdicas e grupais.
9:00 - 9:30 h.	Recepción participantes.
9:30 - 11:00 h.	Obradoiros artísticos, plásticos, saídas e xogos grupais.
11:00 - 11:30 h	Descanso.
11:30 - 13:30 h.	Obradoiros artísticos, plásticos, saídas e xogos grupais.
13:30 - 14:00 h.	Recollida e despedida.
14:00 - 16:00 h.	Comedor

#### **6.- CLASIFICACIÓN DO CONTRATISTA**



De acordo co artigo 77 da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro, non é esixible a clasificación do empresario.

## **7. NOMENCLATURA (CPV)**

### **8. PARTIDA ORZAMENTARIA**

Nº Operación: 920190000635

Existencia de cofinanciación

SI:


NON:

### **9.-TIPO MÁXIMO DE LICITACIÓN**

- Tipo Base 61.153,93 €
- 21% IVA. 12.842,32 €
- Total 73.996,25 €

No orzamento inclúese o custe e o importe dos descontos que se aplicarían por familia monoparental, numerosa, nenos/as con discapacidade, no caso de dous irmáns participantes no programa, así como os de familias con escasos recursos. Tamén están incluídos todos os gastos necesarios para o desenvolvemento deste programa: persoal (coordinador/as, monitores/as, persoal de secretaría para a xestión das matriculacións, persoal de limpeza....); seguros de responsabilidade civil; seguro de accidentes do alumnado participante; seguro de accidentes para o persoal do programa; gastos de material (funxible e inventariable), referidos ao desenvolvemento das actividades, coa calidade e na cantidade axeitada ás necesidades do programa; gasto polo servizo de almorzo e de xantar, gastos referidos a transporte, no caso de proponer excursións no territorio de Santiago de Compostela e calquera outro gasto necesario para o correcto desenvolvemento deste programa.

Os licitadores deberán axustarse ao prezo unitario que se sinala a continuación ou ben diminuilo na súa contía, de tal xeito que será rexeitada calquera oferta que supere os prezos indicados.



**Prezos unitarios por quenda día**

Obradoiros e actividades	12,00 €
Comedor	8,00 €
Madrugadores	3,25 €

**Prezos unitarios por día solto**

Obradoiros e actividades	13,00 €
Comedor	9,00 €
Madrugadores	3,50 €

O pago do prezo do contrato realizarase na forma que a continuación se detalla, e previo informe favorable ou conformidade do funcionario que reciba ou supervise o traballo, ou no seu caso, do designado polo órgano de contratación como responsable do mesmo.

O pago realizarase contra facturas expedidas de acordo coa normativa vixente.

O primeiro pago, se procede, incluirá o período de quendas de xuño e xullo e facturarase ao remate do mes de xullo; o segundo pago, se procede, incluirá a quenda do mes de setembro. A tal efecto a empresa adxudicataria deberá presentar previamente as correspondentes liquidacións.

Os ingresos derivados da cotas dos usuarios que finalmente participen serán para o concello de Santiago. Non obstante, será por conta do concello de Santiago as cantidades que se deriven dos descontos aplicados aos prezos públicos (por familia numerosa, dous irmáns, familias monoparentais, nenos/as con discapacidade e familias con escasos recursos).

A empresa deberá presentar a seguinte documentación:

- Proposta programática e económica do Programa municipal de conciliación de Verán 2019 (obradoiros, actividades, servizo de madrugadores, comedor, monitoraxe...), tal e como se describe no prego de prescripcións técnicas (PPT).
- Relación de medios humanos e materiais adscritos ao programa, de acordo co sinalado no PPT.
- CV do equipo técnico asignado ao programa, de acordo co sinalado no PPT.



- Relación detallada de menús de almorzo e xantar.
- Protocolos de actuación en casos de : toma de medicamentos, accidentes ou enfermidades, pediculose, entradas e saídas dos usuarios, autorizacións das familias, saídas e excurxións, gravación en vídeo e fotografías.

**10.-PRAZOS DE EXECUCIÓN MÁXIMOS**

Mes de xuño: días 24, 25, 26, 27 e 28 de xuño de 2019.

Mes de xullo (agás sábados, domingos e festivos).

Setembro: días 2, 3, 4, 5 e 6 de setembro de 2019.

Sen prexuízo dos traballos previos necesarios para a organización do programa.

Establecerase quendas semanais para os usuarios. Non obstante os usuarios poderán escoller días soltos.

Santiago de Compostela, de 19 de febreiro de 2019

Técnico do Departamento de Educación Concelleiro delegado de Educación e Cidadanía  
Cristina Salgado Pato Manuel Díaz Díz

